



ԱՆԻԻ ՄԱՅՐ ՏԱՃԱՐԸ 1000 ՏԱՐԻ

ԿԱՐԵՆ ՄԱԹԵՎՈՍՅԱՆ

ԱՆԻԻ ՄԱՅՐ ՏԱՃԱՐԸ—ՀՈԳԵՎՈՐ ԵՎ ՄՇԱԿՈՒԹԱՅԻՆ
ԿԵՆՏՐՈՆ

Անին մեր ազգային ճոխության և ճարտարապետության յետին և յայտնի թագաւորն է. Կաթողիկէն ալ Անոյ դշտոյն է, հազարումեկ եկեղեցեաց թագուհին:

ՂԵԻՈՆԴԻ ԱԼԻՇԱՆ


989 թվականին՝ ՌԻՂԻՂ 1000 ՏԱՐԻ ԱՌԱՋ, սկսվեց Անիի Մայր տաճարի շինարարությունը, մի վառահեղ կառույց, որն իր առանձին մանրամասներով, նորություն էր համաշխարհային ճարտարապետության մեջ:

Անին իրավամբ համարվում է հայ միջնադարյան քաղաքային ճարտարապետության պսակ, իսկ Մայր տաճարը՝ աշդ պսակի ամենաշքեղ զարդը: Ստորև սակայն չենք անդրադառնա հուշեն տաճարի ճարտարապետական առանձնահատկություններին, որի շուրջ քավականաչափ գրականություն կա, այլ կաշխատենք առկա մատենագրական և վիմագիր վկայությունների միջոցով ներկայացնել Անիի կաթողիկէն, որպէս հոգևոր և մշակութային կենտրոն:

Կաթողիկոս Անանիա Ա Մոկացին (946—968), ընդառաջելով Անին մայրաքաղաք հռչակած Աշոտ Ողորմածի (953—977) ցանկությամբ, Հայոց կաթողիկոսարանը Աղթամարից տեղափոխեց երկրի

յաղաքական կենտրոն՝ Ծիրակ, այն հաստատելով Արգինա ավանում: Սմբատ Բ Բագրատունին (977—990) ընդարձակեց և ամրացրեց մայրաքաղաքը, իսկ Խաչիկ Բ Արշարունին (978—992) նորոգեց Արգինայի կաթողիկոսարանը, կառուցեց եկեղեցի: X դարի վերջերին հասունացավ պահը, երբ երկիրը պետք է քաղաքական և հոգևոր մեկ կենտրոն ունենար: Այս պայմաններում է, որ Սմբատը, «արկանէ հիմն և մեծաշեն եկեղեցւոյն ի մին քաղաքին Անոյ ի ձեռն ճարտարապետին Տրդատաւ...»¹: Տաճարի շինարարությունը 1001 թ. ավարտին է հասցնում Գագիկ Ա Բագրատունու (990—1020) կինը՝ Կատրամիդե թագուհին: Այսպիսով Մայր տաճարը կառուցվեց որպէս երկրի գլխավոր եկեղեցի: Խաչիկ Արշարունուց հետո կաթողիկոս ձեռնադրված Սարգիս Սևանեցու (992—1019) «առաջին գործն եղաւ

¹ Ստեփանոս Տարոնեցի Ասողիկ, Պատմություն տիեզերական, ՍՊԲ, 1885, էջ 185:



Անիի Մայր տաճարը

աթոռանիստ տեղւոյն փոխադրութիւնը»²։ Անին դարձավ կաթողիկոսական աթոռանիստ, իսկ Մայր տաճարը՝ կաթողիկոսարանի եկեղեցի։

Սարգիս Սևանեցին հայտնի է իր եռանդուն գործունեությամբ։ Եղել է մշակութային ձեռնարկումների հովանավոր, եկեղեցաշինարար։ Կառուցել է «վկայարան սրբոց Հռիփսիմեանց առնթրեր կաթողիկէին Անույ»³։ Ցավոք որոշակի փաստեր հայտնի չեն Մայր տաճարի հարևանությամբ եղած բուն կաթողիկոսարանի շենքի մասին։ Անիի անավարտ մնացած պեղումներն այս հարցում անհրաժեշտ նյութեր չեն ընձեռում։ Ն. Սարգսյանի վկայությամբ. «քարակոյտք անբակաց բազում են շուրջ եկեղեցան, որք թերևս բնակարանք էին եկեղեցականաց, հանդերձ հայ-

րապետանոցաւ»⁴։ Նույնը հաստատում է նաև Թ. Թորամանյանը՝ գրելով. «կաթողիկէին շուրջը... բացի արևելյան կողմեն, ուր մեկեն ավելի մատուռներ կան... հարավային կողմի վրա կերևին դարձյալ ուրիշ հին շինությանց մնացորդներ այլ»⁵։


Դեռևս Արգինայում եղած ժամանակ Հայոց կաթողիկոսարանին կից գործում էր վարդապետարան՝ բարձր տիպի դպրոց, կար նաև մատենադարան։ Կաթողիկոսարանի տեղափոխությամբ վարդապետարանը և մատենադարանը մույնպես հաստատվեցին Անիում Մայր տաճարին կից։ Սարգիս Սևանեցու պատվերով իր «Տիեզերական պատմությունն» ստեղծելիս կաթողիկոսարանի մատենադարանից է օգտուվել պատմիչ Ստեփանոս Տարոնեցի Ասողիկը, որն սկզբնաղբյուրների թվում օգ-

² Մաղաքիա Օրմանյան, Ազգապատում, Կ. Պոլիս, 1912, էջ 1183։

³ Մեծին Վարդանայ Բարձրերդեցու Պատմություն տիեզերական, Մոսկվա, 1861, էջ 128։

⁴ Ն. Սարգսյան, Տեղագրությունք ի Փոքր և ի Մեծ Հայս, Վենետիկ, 1864, էջ 117։

⁵ Թ. Թորամանյան, Նյութեր հայկական ճարտարապետության պատմության, աշխատությունների ժողովածու, Երևան, 1942, էջ 158։



Ուսումնական Անկեղծ «Հաւաքմունք ի գրոց պատմագրաց»
երկի սկզբնաթերթը (Մատենադարան, № 3813), գրիչ՝
Մխիթար Անկեղծ

տագործել է զանազան ձեռագրեր, դիվանական փաստաթղթեր: Նա ամբողջությամբ մեջ է բերում Խաչիկ Արշարունու երկարաշունչ ճամակը ուղղված Սեբաստիայի մետրոպոլիտին, տեղեկություններ է հաղորդում Անանիա Ծիրակացու «հրաշագան ԲՃՃիկունի» մասին, որը նույնպես կաթողիկոսարանում էր գտնվում⁷:

Անիի վարդապետարանի վերաբերյալ ակնարկներ կան Գրիգոր Մագիստրոսի՝ Պետրոս Գետադարձին հասցեագրված ճամակներում: Վերջինս, լինելով զարգացած անձնավորություն, անհրաժեշտ ուշադրություն էր դարձնում ուսումնական հարցերին:

Հայոց կաթողիկոսարանը եղել է ճանաչողական կենտրոն: Պետրոս Գետադարձի ժամանակ այստեղ աշխատել է Թա-

դեոս անունով մեկը. «որ էր անպարտելի գրչությամբ»⁸: Կաթողիկոսարանի գրչատանն ընդօրինակվել է Անանիա Ծիրակացու ԲՃՃիկունը, որը կաթողիկոսից խնդրել էր Գրիգոր Մագիստրոսը՝ Սանահինի դպրոցի ուսումնական ծրագրում կիրառելու համար⁹: 1046 թ. Պետրոս Գետադարձի պատվերով նույն գրչատանը ձեռագիր է ընդօրինակել գրիչ և կազմարար Գեորգը (Մատենադարան, ձեռ. № 988)¹⁰:

1045 թ. Անի զավթած բյուզանդացիները գիտակցելով, որ «Հայոց պետականության անկումից հետո հայերին համախմբող միակ ուժը մնացել է Հայոց կաթողիկոսությունը»¹¹ մեկ տարի անց, ա. ճ. ևս,

⁷ Մատթեոս Ուռնացեցի, Ժամանակագրություն, Լրուսաղև, 1889, էջ 123:

⁸ Գրիգոր Մագիստրոսի թղթերը, Ալեքսանդրապոլ, 1910, էջ 3—9:

⁹ Ցուցակ ձեռագրաց Մաշտոցի անվան Մատենադարանի, Բ. Ա, Երևան, 1985, էջ 452:

¹⁰ Հայ ժողովրդի պատմություն, Բ. III, Երևան, 1976, էջ 436:

¹¹ Ա. Մաթևոսյան, Ստեփանոս Տարոնացի Աստղիկը և Անանիա Ծիրակացու «ԲՃՃիկունը», Պատմա-քաղաքական հանդես, 1988, № 3, էջ 125—138,

իր այթոռակալի՝ Պետրոս Գետադարձի հետ միասին, հեռացրին քաղաքից¹¹:

Բյուզանդական կատապանների կարճատև տիրապետության շրջանում Անիի գլխավոր հոգևոր կենտրոն Մալ տաճարը միաժամանակ նաև կայսերական հրովարտականների ընթերցման ու արձանագրման վայր էր հանդիսանում: Այդ եմ վկայում կաթողիկեի պատերին եղած երկու արձանագրությունները, գրված կատապաններ Ահարոն Բուղարի և Բագրատ Վիկացու կողմից¹²:

1064 թվականից հետո, սելջուկյան դաժան հարվածին հաջորդած ժամանակահատվածում քաղաքի մշակութային կյանքն զգալիորեն խամրեց: Սակայն արդեն 1080-ական թվականներին Բարսեղ Անեցու եռանդագին գործունեության շնորհիվ Անիում ազգային, հոգևոր և մշակութային նոր զարթոնք սկսվեց: «...ի յամի ԾԼ (1081)... ի վանքն, որ կոչի Հաղբաթ ձեռնադրեցին զտեղ Բարսեղ կաթողիկոս յաթոռ սրբոյն Գրիգորի՝ ի վերայն աշխարհին Հայոց... յայսմ ժամանակիս նորոգեալ եղև աթոռ սրբոյն Գրիգորի ի քաղաքն Անի... Եւ ելեալ գայր Բարսեղ կաթողիկոսն Հայոց ի թագաւորաբնակ քաղաքն Անի և ելեալ ամենայն տունն Ծիրակայ գնալ ընդ առաջ նորա... և նստուցին զտեղ Բարսեղ յաթոռ տեառն Պետրոսի»¹³: Այս շրջանում, ստանձնելով Անիի վարդապետարանի ուսուցչապետությունը, գիտամանկավարժական լայն գործունեություն է ծավալել Հովհաննէս Սարկավազը¹⁴: Վեր-

ջինիս աշխատանքը, ինչպէս երևում է մի հիշատակարանից, սերտորեն առնչվել է Մայր տաճարի հետ. «Սարկաւազ քահանայ՝ սպասաւոր Սուրբ Կաթողիկէի մեծի, որ յԱնի, ի բազմաց արիւնակաց ի ձեռն և ալոց գիտնականաց զաւգտակարսն առեալ հաւաքեաց ի մի դիր և շարադրեաց իրով ձեռամբ...»: Խոսքը վերաբերում է «Կոչումն ընծայութեան Կիրոյի Երուսաղէմացոյ» ձեռագրի Անիում գրված օրինակին, որից կատարված ընդօրինակության 1195 թ. հիշատակարանից է առնված հիշյալ քաղվածքը: Գիտնական-ուսուցիչ Սարկավազը կարճ ժամանակամիջոցում մեծ հռչակ է բերում Անիի վարդապետարանին, որովհետև. «ամենայն նսնացեալ և խամրացեալ գիտութիւնք, որ ի տգիտութեան և ի ծուլացելոց և խաւարելոց մտաւ ծածկեալ աղաւաղեցան... նորին աշխատուցան երկովք և արագութեամբ մտաց զարդարեցան, և ցնծացան անձինք տեսաւեր և յասէր արանց»¹⁵: Սարկավազի վարքում բազմաթիվ կարևոր տեղեկություններ են պահպանվել Անիի բարձր տիպի դպրոցի վերաբերյալ: Այստեղ թվարկվում են ուսուցվող կրոնական և աշխարհիկ առարկաները, սաներին մատուցվող նյութերի հերթականությունը և այլ ուշագրավ մանրամասներ¹⁶:

XII դարում¹⁷ հայ մատենագրության նշանավոր ներկայացուցիչ Սամուել Անեցին բազմաթիվ աղբյուրների վկայությամբ եղել է «քահանայ կաթողիկէին Անոյ»¹⁸: Աշակերտել է Գևորգ վարդապետին, Հովհաննէս Սարկավազին: Կաթողիկոս Գրիգոր Գ Պահլավունու (1113—1166) պատ-

¹¹ Մայրաքաղաքի կրկնակի կորուստը դիպուկ է բնորոշում Վարդան Արենցյան գրելով. «Յոյնք... վերացուցին ի նմանէ (Անիից. Կ. Մ.) գերկուսին պսակն՝ զգահ հայրապետութեան և զթագաւորութեան, յալսամայս ւածեալ գերկուսեսուն առ ինքեանս՝ և անդրէն ոչ դարձուցին: Վարդան Բարձրբերդեցի, Պատմութիւն..., էջ 138:

¹² Դիվան հայ վիմագրության, պր. I, Երևան, 1966, էջ 36—37:

¹³ Մատթեոս Ուռայեցի, Ժամանակագրութիւն..., էջ 265—267:

¹⁴ Դրականության մեջ Սարկավազի Անիի դպրոցի գործունեության ժամանակ է համարվել XII դարի սկիզբը (Հայ ժողովրդի պատմություն, Բ. III, էջ 312, Ա. Մովսիսյան, Ուրվագծեր հայ դպրոցի և մանկավարժության պատմության, Երևան, 1958, էջ 214), կամ XI դարի 70-ական թվականները (Կ. Միրումյան, Հովհաննէս Սարկավազի աշխարհայացքը, Երևան, 1984, էջ 29): Մեր կարծիքով, Սարկավազի գործունեության սկիզբն Անիում պետք է կապվի կաթողիկոսարանի քաղաքում վերահաստատվելու իրադարձության հետ՝ 1081 թ.:

¹⁵ Գ. Հովսեփյան, Յիշատակարանը ձևագրաց, Բ. Ա, Անթիլիաս, 1951, էջ 595:

¹⁶ Ա. Արքահամյան, Հովհաննէս Լիմաստասերի մատենագրությունը, Երևան, 1958, էջ 120:

¹⁷ Ա. Արքահամյան, նույն տեղում, էջ 120—123:

¹⁸ Բարսեղ Անեցու մահից հետո (1118 թ.) Հայոց կաթողիկոսարանը մեկընդմիջտ հեռացավ Անիից: Այս նույն շրջանում Անիի ամիրա Մանուչեին հաջորդած Աբուլասվարը (1110 թ.) հուլանքներ սկսեց սնեցիների նկատմամբ, որոնք դիմեցին վրաց Դավիթ թագավորի օգնությանը և վերջինս 1124 թ. գրավեց քաղաքը: Ողջ XII դարի ընթացքում շարունակվեց Անիի համար մղվող համառ ապրաքը Եղդադյան ամիրաների և վրաց թագավորների միջև, մինչև որ 1199 թ. Ջաքարյանների գլխավորած հայ-վրացական զորքերի կողմից քաղաքն ազատագրվեց մահմեդականների տիրապետությունից:

¹⁹ Հ. Անասյան, Հայկական մատենագիտություն, Բ. Ա, Երևան, 1959, էջ XLIX—LIII:

վերով կազմել է ժամանակագրություն՝ «Հավաքմունք ի գրոց պատմագրաց...»²⁰, Ֆեդիկակ է ցան ալլ բնության գործերի, այլ թվում տոմարի մեկնություն²¹:

XII դարի վերջերին և XIII դարի քաղաքներին Մայր տաճարի փակակալն է եղել Մխիթար Անեցի պատմիչը: Հառիճի վանքի Գրիգոր վարդապետի պատվերով գրված նրա պատմագրական երկից մեզ է հասել միայն սկզբի հատվածը²²: Նախաբանում Մխիթարն արտահայտում է իր վերաբերմունքը պատմագիտության նկատմամբ, տեսական եզրահանգումներ անելով: Ըստ նրա, հասարակությունն ու անհատը պատմությամբ պետք է դաստիարակվեն²³:

Մխիթար Անեցին գրադվել է ցան թարգմանական աշխատանքով. «...թարգմանեաց Մխիթար պատուեալ քահանայն կաթողիկեցի զպատմառու խաւարման արեգական և լուսնի ի պարսկէ...»²⁴: Պատմիչ Ստեփանոս Օրբելյանը մեծ ակնածանքով է հիշատակում Անեցուն, նշելով, որ Ստեփանոս Գ Սյունյաց եպիսկոպոսը գրել է Բաղաս (Սյունիքի) թագավորության կործանման պատմությունը «ի հոյակապ քաղաքն Անի ի խնդրոյ սուրբ քահանային Մխիթարայ՝ աւագերիցո քաղաքին և փակակալի Սուրբ Կաթողիկէին»²⁵: Այսպիսով Մխիթար Անեցին ոչ միայն պատմիչ և թարգմանիչ է, այլև պատմական երկի պատվիրատու:

Թե՛ Սամվել Անեցու, թե՛ Մխիթարի ինքնագիր մատյանները մեզ չեն հասել: Սակայն Մաշտոցյան Մատենադարանում պահվում է XII դարի վերջերին Հոռոմո-

սի վանքում գրված մի ձեռագիր (Մատենադարան, ձեռ. № 3618), որը պարունակում է Սամուելի երկը, իսկ գրիչն իրեն անվանում է Մխիթար Անեցի («զՄխիթարիչ Անեցի սուտանուն արեղայ և աշակերտ քանի ի վանացն Հոռոմոսի»²⁶): Գրիչ Մխիթար Անեցու և պատմիչ Մխիթար Անեցու նույնությունը հավանական է թվում, երբ նկատի ենք ունենում ժամանակի համապատասխանությունը (XII դ. վերջեր—XIII դ. սկզբներ): Մյուս կողմից՝ պատմագիտության նկատմամբ հետաքրքրություններ ունեցող մարդ է եղել Հոռոմոսում ուսանող անեցի գրիչը, որովհետև Սամուելի ժամանակագրությունն ընդօրինակել է հենց իր օգտագործման համար («Զմեղսուոր ստացաւս և զաշխատաւորս զՄխիթար... յիշել աղաչեմ»)՝:

Այսպիսով ուրվագծվում է մի հաջորդական կապ. Հովհաննէս Սարկավագ, նրան աշակերտած՝ Սամուել Անեցի, վերջինիս հաջորդած Մխիթար Անեցի, որոնք բոլորն էլ սպասավորել են Անիի Մայր տաճարում և իրենց եկեղեցական պարտականությունները հաջողությամբ զուգակցել են մշակութային, գիտական գործունեության հետ:

Ջաքարյանների իշխանության շրջանում կաթողիկեն նորոգվեց, փարթամացավ քաղում նվիրատվություններով, որոնց թվում քիչ չէին ցան ձեռագրերը: 1218 թ. արձանագրության մեջ քաղաքի նշանավոր մեծատուն Տիգրան Հոռեմը նշում է. «Հիւնեցի... զաշտինաներս մեծափառ Սրբոյ Կաթողիկէիս... ետու երկու Տանական եւ սուրբ Գրիգոր մին...»²⁷: Մեկ այլ վիմագիր վկայում է. «Եւ Ջուհալս Կարբցի... միաքանցաւ Սուրբ Կաթողիկէիս եւ էտու Աւետարան, Էսայի...»²⁸: 1236 թ. Նացուալ անունով մեկը Մայր տաճարին է նվիրել 1181 թ. Հոռոմոսում գրված մի Ավետարան²⁹: Անին շարունակում էր մնալ Հյուսիսային Հայաստանի եկեղեցական կենտրոն: Ինչպես նշում է Մաղաքիա Օրմանյանը. «Անույ արքեպիսկոպոսները լիազոր իշխանութեամբ գլխաւորութիւն կը պահէին

²⁰ Ուշագրավ է, որ թեև Գրիգոր Գ Պահլավունին Անիում չէր աթոռակալում, սակայն հենց Սամուելի վկայությամբ մշտապես հետևում էր Անիի կացությանը, «վասն իւր սևական աթոռոյս» (Սամուել Անեցի, Հավաքմունք ի գրոց պատմագրաց, Վաղարշապատ, 1893, էջ 127).

²¹ Ա. Աբրահամյան, Սամվել Անեցու տոմարական և տիկնոցագիտական աշխատությունները, «Իշմիածին», 1952, № 1, էջ 80—86:

²² Մխիթար Անեցի, Մատենա աշխարհավէպ հանդիսարանաց, աշխատասիրությամբ Հ. Մարգարյանի, Երևան, 1933:

²³ Տե՛ս Լ. Բաբայան, Դրվագներ Հայաստանի զարգացած ֆեոդալիզմի դարաշրջանի պատմագրության, Երևան, 1981, էջ 192:

²⁴ Վարդան Բարձրբերդեցի, Պատմութիւն, էջ 137—138:

²⁵ Ստեփանոս Օրբելյան, Պատմութիւն ցահանգին Սիսական, Թիֆլիս, 1910, էջ 332:

²⁶ Մատենադարան, ձեռ. № 3618, էջ 26ր:

²⁷ Նույն տեղում, էջ 85ր:

²⁸ Դիվան հայ վիմագրության, պր. I, էջ 84:

²⁹ Նույն տեղում, էջ 85:

³⁰ «Եւ... Նացուալս՝ տվի զսուրբ Աւետարանս ի Սուրբ Կաթողիկէն... ի ձեռն աստուածայապատի քահանային» Դասապետին, Գերսամին, Սարգսի սերկեւագին» (ԺԴ դարի հայերեն ձեռագրերի հիշատակարաններ, կազմեց Ա. Մաթևոսյան, Երևան, 1984, էջ 197):

քոլոր Հայաստանի մէջ, եպիսկոպոս յարեւելս Բիւսիսոյ կոչմամբ և միայն մեծագոյն իրողութեանց մէջ յարաբերութիւն ունէին Հռոմկլայի աթոռին հետ...»³¹:

Անիի քաղաքական, տնտեսական, հոգեւոր և մշակութային ծաղկումը շուտով, սակայն, ընդհատվեց մոնղոլական աշխարհավեր արշավանքի հետևանքով (1238 թ.): XIII դ. երկրորդ կեսից և XIV դարի ընթացքում անկասելիորեն դեպի անկում գնացող քաղաքի գլխավոր եկեղեցու վերաբերյալ սահմանափակ տեղեկություններ են հայտնի³²:

Ըստ ավանդության 1318 թ. տեղի ունեցած երկրաշարժը եկավ հավելելու Անիի

դժբախտությունները՝ կործանելով Մայր տաճարի գմբեթը³³: Դրանից հետո քաղաքի գոյամարտը շարունակվեց ևս մեկ դար: Անիի մեզ հայտնի վերջին եպիսկոպոս Հովհաննես Ոսկեփորիկը XV դարի սկզբներին ստիպված էր ապրել հայրենի քաղաքից տարագիր³⁴:

Վերը քերված նյութերը վկայում են, որ չնայած պատմաքաղաքական ելևէջներին, Անիի կաթողիկեն, իր գործունեության շուրջ երեքհարյուրամյա շրջանում, ինչպես հոգևոր-եկեղեցական, այնպես էլ մշակութային կարևորագույն կենտրոն էր:

³³ Տե՛ս Թ. Հակոբյան, Անիի պատմություն, Բ. Բ. Նրևան, 1982, էջ 325—332:

³⁴ Կ. Մաթևոսյան, Անիի եպիսկոպոս Հովհաննես Ոսկեփորիկ գրիչը, «Էջմիածին», 1985, Ը, էջ 38—44:

³¹ Մաղաքիա Օրմանյան, Ազգապատում, էջ 1525:

³² Դիվան հայ վիճագրության, պր. I, էջ 36, 38—40:

